

საჯარო სამართლის იურიდიული პირი -  
ბათუმის შოთა რუსთაველის სახელმწიფო უნივერსიტეტი

ბრძანება №01-02/ 145

ქ. ბათუმი

13 ნოემბერი, 2020 წ

საქართველოს ტერიტორიაზე უცხოელი და მოქალაქეობის არმქონე ბსუ-ს სტუდენტის ჯანმრთელობისა და უბედური შემთხვევის დაზღვევისათვის გასატარებელი ღონისძიებების შესახებ

„უმაღლესი განათლების შესახებ“ საქართველოს კანონის 22-ე მუხლის პირველი პუნქტის, ბსუ-ს წესდების მე-13 მუხლის, „ბსუ-ს 2020-2021 სასწავლო წლის აკადემიური კალენდარის დამტკიცების შესახებ“ ბსუ-ს აკადემიური საბჭოს 2020 წლის 6 აგვისტოს N06-01/44 დადგენილების, „იზოლაციისა და კარანტინის წესების დამტკიცების შესახებ“ საქართველოს მთავრობის 2020 წლის 23 მაისის №322 დადგენილების, „ბსუ-ში დიპლომირებული მედიკოსის ერთსაფეხურიან (ინგლისურენოვან) საგანმანათლებლო პროგრამაზე 2020-2021 სასწავლო წლის ორგანიზებულად წარმართვის შესახებ“ ბსუ-ს აკადემიური საბჭოს 2020 წლის 9 სექტემბრის N06-01/59 დადგენილების, „საქართველოს ტერიტორიაზე უცხოელი და მოქალაქეობის არმქონე სტუდენტის ჯანმრთელობისა და უბედური შემთხვევის დაზღვევის პირობებისა და წესის განსაზღვრის შესახებ“ საქართველოს მთავრობის 2020 წლის 10 სექტემბრის N572 დადგენილების, საქართველოს განათლების, მეცნიერების, კულტურისა და სპორტის სამინისტროს 2020 წლის 10 სექტემბრის MES 0 20 0000811689 და 2020 წლის 6 ნოემბრის MES 5 20 0001075357 კორესპონდენციის საფუძველზე,

ვ ბ რ ძ ა ნ ე ბ :

1. საქართველოს ტერიტორიაზე შემოსვლისას (ან საქართველოს ტერიტორიაზე მყოფი) უცხოელი და მოქალაქეობის არმქონე ბსუ-ს პროფესიული და უმაღლესი საგანმანათლებლო პროგრამების პროფესიული სტუდენტის/სტუდენტის (შემდეგში „ბსუ-ს სტუდენტი“) ჯანმრთელობისა და უბედური შემთხვევის დაზღვევისათვის გატარდეს შემდეგი ღონისძიებები:

- 1.1. არ იქნეს დაშვებული ბსუ-ს სასწავლო პროცესში და შეუჩერდეს სტუდენტის სტატუსი (შესაბამისმა ფაკულტეტმა წარმოადგინოს სამსახურებრივი ბარათი) იმ უცხოელ და მოქალაქეობის არმქონე ბსუ-ს სტუდენტს, რომელიც არ ფლობს

საქართველოს მთავრობის 2020 წლის 10 სექტემბრის N572 დადგენილებით დამტკიცებული წესით („საქართველოს ტერიტორიაზე უცხოელი და მოქალაქეობის არმქონე სტუდენტის ჯანმრთელობისა და უბედური შემთხვევის დაზღვევის პირობებისა და წესის განსაზღვრის შესახებ“- შემდეგში ხსენებული, როგორც „წესი“) განსაზღვრული პირობების შესაბამის ჯანმრთელობისა და უბედური შემთხვევის დაზღვევის პოლისს, რომლის მოქმედების ვადა (ხანგრძლივობა) არ უნდა იყოს ერთ სემესტრზე ნაკლები;

1.2. ბსუ-ს სტუდენტებს ბსუ-ს ოფიციალური ვებგვერდისა (მათ შორის ინგლისურენოვანი გვერდის) და სხვა ელექტრონული სერვისების საშუალებით განემარტოთ, რომ ვალდებულნი არიან საქართველოში სწავლის ნებისმიერ ეტაპზე დაზღვეული ჰქონდეს ჯანმრთელობა და უბედური შემთხვევა, საქართველოს მთავრობის 2020 წლის 10 სექტემბრის N572 დადგენილებით დამტკიცებული წესით განსაზღვრული პირობებით. ბსუ-ს სტუდენტის დაზღვევის პოლისი უნდა ფარავდეს სადაზღვევო შემთხვევებს („სადაზღვევო პოლისის მოქმედების ვადის განმავლობაში უცარი ავადმყოფობით ან უბედური შემთხვევით გამოწვეული სამედიცინო მომსახურებისა და რეპატრაციის ხარჯები“) ამავე წესის მე-4 მუხლით განსაზღვრული სადაზღვევო ლიმიტების დაცვით;

1.3. ბსუ-ს სტუდენტები, რომლებიც 2020-2021 სასწავლო წლის შემოდგომის სემესტრში იმყოფებიან საქართველოს ტერიტორიაზე ან დაგეგმილი აქვთ ამავე სემესტრის განმავლობაში საქართველოს ტერიტორიაზე შემოსვლა, განემარტოთ, რომ ვალდებულნი არიან არაუგვიანეს 2020 წლის 20 ნოემბრისა, წარმოადგინონ ამ ბრძანებაში აღნიშნული სადაზღვევო პოლისის ასლი ბსუ-ს ოფიციალურ ელ. ფოსტაზე - info@bsu.edu.ge;

1.4. ბსუ-ს ფაკულტეტებსა და ბსუ-ს პროფესიული პროგრამების მართვისა და უწყვეტი განათლების ცენტრს დაევალოს არაუგვიანეს 2020 წლის 20 ნოემბრისა წარმოადგინონ საქართველოს ტერიტორიაზე მყოფი, წინამდებარე ბრძანებაში აღნიშნული კატეგორიის, აქტიური სტუდენტის სტატუსის მქონე პირების სახელობითი სია (სტუდენტის სახელი, გვარი/პასპორტის ნომერი/ბსუ-ში ჩარიცხვის ბრძანების ნომერი, თარიღის/ბსუ-ს სწავლის დაწყების სემესტრის მითითებით, ასევე სტუდენტის დაზღვევის პოლისის ნომრისა და მოქმედების ვადის მითითებით - არსებობის შემთხვევაში);


1.5. ბსუ-ს სტრატეგიული განვითარების და საგარეო ურთიერთობათა დეპარტამენტს დაევალოს არაუგვიანეს 2020 წლის 20 ნოემბრისა:

ა) დაამუშაოს ბსუ-ს ფაკულტეტებიდან/ბსუ-ს პროფესიული პროგრამების მართვისა და უწყვეტი განათლების ცენტრიდან და ბსუ-ს სტუდენტებიდან მიღებული წინამდებარე ბრძანებით განსაზღვრული ინფორმაცია მათი საქართველოში ყოფნის და სადაზღვევო პოლისის შესახებ (არსებობის შემთხვევაში);

ბ) ამ პუნქტის „ა“ ქვეპუნქტში აღნიშნული ინფორმაციის დამუშავების შემდეგ წარმოადგინოს სტუდენტთა საერთო სია, საქართველოს ტერიტორიაზე მყოფი ბსუ-ს სტუდენტების შესახებ ბსუ-ში არსებული ინფორმაციასთან ერთად (მათ შორის ბსუ-სა და გადამყვან კომპანიას შორის გაფორმებული მემორანდუმის საფუძველზე 2020 წლის შემოდგომის სასწავლო პროცესისათვის საქართველოში ჩამოყვანილი სტუდენტების სადაზღვევო პოლისების შესახებ);

- 1.6. წინამდებარე ბრძანების ამონაწერისა და ბრძანების 1.2 პუნქტით გათვალისწინებული ინფორმაციის მომზადება და თარგმნისათვის წარმოდგენა დაევალოს ბსუ-ს იურიდიულ დეპარტამენტს, თარგმნოს შრომითი ხელშეკრულებით დასაქმებულმა შესაბამისმა პირმა, ხოლო ვებგვერდზე განათავსოს ბსუ-ს საინფორმაციო ტექნოლოგიების სამსახურმა.
- 1.7. წინამდებარე ბრძანებით განსაზღვრული ღონისძიებების შესრულებაზე კონტროლი განახორციელოს ბსუ-ს რექტორის მოადგილემ და ადმინისტრაციის ხელმძღვანელმა.
2. ბრძანება განთავსდეს ბსუ-ს ვებგვერდზე.
3. ბრძანება დაეგზავნოს რექტორის მოადგილეებს, ადმინისტრაციის ხელმძღვანელს, ფაკულტეტებს, ბსუ-ს პროფესიული პროგრამების მართვისა და უწყვეტი განათლების ცენტრს, საფინანსო-ეკონომიკურ დეპარტამენტს, იურიდიულ დეპარტამენტს, ნანა მაზმიშვილს, საინფორმაციო ტექნოლოგიების სამსახურს, სასწავლო პროცესის დეპარტამენტს და სტუდენტთა კარიერული განვითარების, კულტურისა და სპორტის დეპარტამენტს.
4. ბრძანება შეიძლება გასაჩივრდეს მისი გამოცემიდან ერთი თვის ვადაში ბათუმის საქალაქო სასამართლოში (ქ. ბათუმი, სტეფანე ზუბალაშვილის №30).
5. ბრძანება ძალაშია გამოცემისთანავე.

რექტორი, ასოცირებული პროფესორი



მერაბ ხალვაში